



Sapot fo PALM scheme waka man en mere lo Australia

Garem pipol en oganaesaison wea sapotem Pasifik Australia Leba Mobility (PALM) scheme waka man en mere long Australia. Disfala fact sheet hem talem aot olketa kontakts en provaedem details blong olketa. Sapos iu wanfala PALM scheme waka man en mere, plis savim nambas lo list lo daon insaet lo fon blong iu.

WAKA PLES



Waka ples blong iu hem nao fest point blong kontakt taem iu lo Australia. Hem responsibol blo olketa fo sapotim iu taem iu lo hia. Olketa save helpen iu wetem kwestens abaotem topikis olsem:

- peislip en waka arenjmens
- problem wetem samwan lo waka
- helt insuarens
- transpot
- smol medikol o helt problem
- smol haus trabol or rawa wetem wanfala hausmet
- visa blong iu
- go bak lo Hom kaontri blong iu

Iu sud tekem nao waka ples o fon namba blong maneja blong iu taem iu araev lo Australia. Sapos iu no garem, askem tim lida o waka ples blong iu lo wat nao gut wei fo kontaktim olketa. Sapos olketa no save helpem iu, olketa save talem iu hu fo tok wetem.

PALM SAPOT SEVIS LAEN



☎ Sapos waka ples blong iu no save helpem iu, kalem nao PALM scheme sapot sevis laen lo (1800 51 51 31) bitwin 8.30 am – 6.30 pm AEST o email (PALM@dewr.gov.au). Sapos iu garem bik

problem, iu save kalem PALM scheme sapot laen 24 hours lo dei, 7 dei lo wik lo (1800 51 51 31).

COUNTRY LIAISON OFFICERS



☎ Pasifik en Timor-Leste gavman Country liaison Officers (CLOs) en Lebour attachés save provaedem advaes fo waka man en mere lo

Australia, en also langus sapot. No evri

kaontris nao garem CLOs, bata iu save faedem fon nambas lo PALM scheme websaet kontakt peij (<https://www.palmscheme.gov.au/contact>). Sapos kaontri blong iu no garem CLO, plis kontaktim nao hae komison lo Australia.

FAIR WORK OMBUDSMAN



☎ Fair Work Ombudsman (FWO) save helpem iu sapos iu garem spesol kwestens abaotem waka kondisons, pei rates en entaetolments. Kolem FWO lo (13 13 94). Sapos iu nidim interpreter, kalem (13 14 50).

EMERGENCY SEVISES



☎ Fo bik medikol siki, aksident o kriminol ofens, kalem (000) stret (fri kol, 24 hours, 7 deis lo wan wik). Taem iu kalem disfala numba, olketa bae askem iu sapos iu nidim polis, faea o ambulans sevises.

Plis talem waka ples blong iu kwik sapos iu o nara waka man en mere garem eni bik karekil o siki, admit lo hospital o insaet lo eni kriminol ofens o faet lo haus.